

Rhedeg busnes?

Os felly, bydd angen i chi baratoi ar gyfer newidiadau cyfreithiol a ddaw i rym o **6 Ebrill 2024**.

Cynhyrchu gwastraff?

Dylech eisoes fod â threfniadau yn eu lle ar gyfer storio, casglu a gwaredu unrhyw wastraff masnach gan gludwr gwastraff trwyddedig neu fod yn mynd â'r gwastraff hwn i orsaf trosglwyddo gwastraff trwyddedig.

Beth sy'n newid?

Bydd gofyniad cyfreithiol ar unrhyw un sy'n cynhyrchu gwastraff o unrhyw weithgaredd busnes i'w wahanu i'r categorïau gwastraff canlynol:

- **Bwyd**
- **Papur a Cherdyn** (gellir ei gymysgu yn yr un blwch)
- **Gwydr**
- **Metel a Phlastig a Chartonau** (gellir eu cymysgu yn yr un blwch)
- **Tecstilau heb eu gwerthu**
- **Offer trydanol ac electronig bach gwastraff heb ei werthu (sWEEE)**

Bydd gwaharddiad hefyd ar:

- **Waredu gwastraff bwyd i garthffos (unrhyw faint)**
- **Gwastraff a gesglir ar wahân i'w losgi neu ei ddanfôn at dirlenwi**
- **Unrhyw wastraff pren sy'n cael i ddanfôn i safleoedd tirlenwi**

Beth sydd ddim yn newid?

Rhaid i chi:

- **Cael contract gyda gweithredwr trwyddedig i gasglu eich gwastraff masnach**
⇒ Talu am y costau casglu a gwaredu

Neu

- **Mynd â'ch gwastraff masnach eich hun i Orsaf Drosglwyddo drwyddedig**
⇒ Arbed costau casglu ond nid y costau gwaredu
⇒ I wneud hyn efallai y bydd angen i chi gofrestru fel cludwr gwastraff. Am fwy o wybodaeth, ewch i:

[Cyfoeth Naturiol Cymru / Cofrestru neu adnewyddu fel cludydd, brocer neu ddeliwr gwastraff](#)

Ni ddylid:

- **Cyflwyno eich gwastraff masnach i'w gasglu gyda/fel gwastraff domestig**
- **Cyflwyno eich gwastraff masnach i'w gasglu mewn/ger biniau sbwriel a phwyntiau ailgylchu**
- **Mynd â'ch gwastraff masnach i Safle Gwastraff Cartref**
- **Llosgi eich gwastraff masnach**

Os gwnewch chi hyn, neu geisio gwneud hyn fe allech chi fod yn destun erlyniad.



Newidiadau i bwy?

Mae'r newid yn y gyfraith yn berthnasol i bob busnes, elusen a sefydliad sector cyhoeddus.

Mae hyn yn cynnwys:

- Safleoedd amaethyddol
- Lletygarwch a thwristiaeth - bwytai, bariâu, tafarndai, gwely a brecwast, gwestai, gwersylloedd a meysydd carafanau, llety gwyliau, a safleoedd trwyddedig
- Meysydd Sioe
- Gorsafoedd gwasanaeth a gorsafoedd petrol
- Lleoliadau adloniant a chwaraeon gan gynnwys canolfannau hamdden
- Cludiant - gorsafoedd bysus, gorsafoedd rheilffordd, porthladdoedd, meysydd awyr, a safleoedd hofrennydd
- Cartrefi gofal a nyrsio
- Fferyllfeydd, meddygfeydd, deintyddfeydd, a lleoliadau gofal eraill
- Safleoedd adeiladu
- Ffatrioedd a warysau
- Garejys ceir
- Addysg - prifysgolion, colegau ac ysgolion
- Canolfannau garddio
- Adeiladau treftadaeth
- Llyfrgelloedd ac amgueddfeydd
- Swyddfeydd a gweithdai
- Mannau addoli
- Carchardai
- Marchnadoedd a gwyliau awyr agored

Yr unig weithle sydd â 2 flynedd ychwanegol i gydymffurfio yw ysbytai'r GIG ac ysbytai preifat.

Sut i newid?

Gall Cyngor Sir Ceredigion ddarparu gwasanaeth ar sail adennill costau llawn. Mae hyn yn golygu ei bod yn debygol y bydd cynnydd sylweddol i'n taliadau cyfredol. Bydd hyn yn cael ei ystyried fel rhan o gyllideb, ffioedd a phrosesau pennu ffioedd ehangach y Cyngor ar gyfer 2024/25. Bydd ein taliadau gwastraff masnach ar gyfer 2024/25 yn cael eu cadarnhau yn ystod mis Chwefror 2024.

Dangosir crynodeb o'r gwasanaeth y gall y Cyngor ei ddarparu o 1 Ebrill 2024 yn **Nhabl 1**.

Mae darparwyr gwasanaethau eraill i'w cael yn lleol. Dylech ystyried eich opsiynau nawr i gael y trefniadau sy'n ofynnol yn ôl y gyfraith ar gyfer diwallu eich anghenion yn y ffordd orau posib erbyn **6 Ebrill 2024**.

Pam newid?

Bwriad y newid yw gwella ansawdd a maint yr ailgylchu o weithleoedd sydd o fudd o safbwynt amgylcheddol ac ariannol.



Mwy o wybodaeth

Cyffredinol

[Ailgylchu yn y gweithle](#) | [GOV. CYMRU](#)

Cyngor Sir Ceredigion

I gael gwybodaeth am y gwasanaeth gall y Cyngor ddarparu cyswllt â clic@ceredigion.gov.uk neu ffonio 01545 570881

Tabl 1: Gwasanaeth Gwastraff Masnach Cyngor Sir Ceredigion 2024

Deunydd	Amledd	Cynhwysydd
Bwyd	Wythnosol	Blwch 23ltr Bin ar olwyn 140lr
Papur + Cerdyn	Pob pythefnos	Sach Las
Gwydr	Pob tair wythnos	Blwch 40ltr Bin ar olwyn 240lr
Metel + Plastig + Cartonau	Pob pythefnos	Sach Goch
Gweddilliol	Pob tair wythnos	Sach Oren Bin ar olwyn 240lr Bin ar olwyn 1100lr
Tecstilau heb eu gwerthu	Ar gais	Ar gais
Offer trydanol ac electronig bach gwastraff heb ei werthu (sWEEE)	Ar gais	Ar gais

